

Cietbofwen Conzdungj Bouxcuengh Lungzcouh: Eu Hot Fwen Youjyiz Haprwenz Cungh Yez Song Guek

歌甜画美友谊长的龙州壮族传统歌坡节

□ Nungz Lioz iagj Siobhyungz boiz



Eu fwen doxdax ndei, vunz seiqlengq humx dingq.

Moix bi liggaueq ndwenseiq cibsam, dwg cietbofwen Bouxcuengh Lungzcouh moix bi banh mbat ndeu, cietbofwen bineix youq yienhsingz Cunghsanh Gunghyenz guh doiq fwen doxdax, 60 lai boux canghfwen daj ndaw yienh, yienh wnq caueq Yeznanz daeuj haenx youq gwnz daizfwen doiq fwen naemqsadsad, yinx fanh lai vunz dangdieg caueq dieg wnq bae yienhciegz humx dingq, yienhciegz sing bekwngz sing hemq mbouj dingz, vunzlai dingq dwk mizyinx raixcaix.

Cietbofwen Bouxcuengh Lungzcouh, caemh heuhguh “ngoenzseng fuzboh”. Riuz naeuz liggaueq ndwenseiq cibsam dwg ngoenzseng boux fuzboh ciengginh okmingz Ciuhdunghhan Maj Yenz, Maj Yenz bi haenx daiq bing daeuj baihnanz hoenxciegg seiz cap bing youq Lungzcouh gvaq, vih hen maenh, haifat dieghenzguk laeb roengz goenglauz hung, vunz Lungzcouh vih geiqniemh de hwnjguh le “Mih Fuzboh”. Moix bi ngoenz neix, Lungzcouh cungj banh doiq fwen, foux lungz foux saeceij, cuengq daengdah, caeqbaiq fuzboh mbaenj fuk daengj hozdung, daengz seizneix gaenq miz cien lai bi lizsij. Gyawj geij bi neix daeuj, Lungzcouh dawz

cietbofwen daezswng baenz ciet vwnzva fungsug ndawbiengz, guh gak cungj gak yiengh vwnzva fungsug ndawbiengz hozdung, haenqrengz cienzyiengz minzcuz conzdungj vwnzva.

Bineix 5 nyied 10-11 hauh, liggaueq ndwenseiq cibngeih cibsam, Lungzcouh Yen cingj le gyoengq baengzyoux Yeznanz Gauhbingz Swngj vwnzva yisuz diyyuz fuengmienh neix daeuj camgya cietbofwen bineix. Ndaw ngoenzciet, banh miz caeqbaiq fuzboh ciengginh Maj Yenz, bae gwnz Dahli-gyangh cuengq daeng’va mbaenj fuk, canghfwen song guek caemh daiz eu fwen doiq fwen, gij cuzgiuz yindungyenz Yeznanz Gauhbingz Swngj caueq Lungzcouh Yen cix youq gwnz giuzcangz beij dik cuzgiuz……Bouxcanghfwen mbwk Yeznanz Yenjsi Yangzliuj caueq canghfwen Lungzcouh doiq fwen sat le angq dwk naeuz: “Yinhyoz caueq vwnzva mbouj miz gyaiqguek, gij sim raeuz doxdoeng dangqmaz.” Gak cungj gak yiengh vwnzva fungsug ndawbiengz caueq diyyuz hozdung hawj yinzminz song guek engq roxyiuj engq depgyawj, doxgyau engq haeujlaeg, caemh ndaej doidoengh Cungh Yez song guek henzguk vwnzva lijyouz fanzyungz fazcanj.



▲ Bouxciegggo Yeznanz, danz gimz ciengq engq haenq.



▲ Doxdax dik cuzgiuz, guh gyauhliuz caemh haenq.



▲ Canghveh Cungh Yez angq doxgyau, dinfwngz dawznauq daezsang vaiq.



▲ Canghfwen Yeznanz singq Yenjsi, ciengq go caemh nyi vunz hemq haenh.



▲ Canghfwen Cungh Yez caez eu fwen, gij sing rwenzred youq sepsset.



▲ Nyez iq caemh eu fwen, sing rwenz doh daengx mbanj.



▲ Gwnz hoih lenzyizvei, Cungh Yez caez sij veh.



▲ Yeznanz yisuzgyah, yawj vacanj haenh ndei.